

პატრიარქი: 'დღევანდელი დღე მოგვინოდებს, დავფიქრდეთ და მივმართოთ დედა ღვთისმშობელს ლოცვით, შეგვენიოს ჩვენი ვნებების დაძლევაში, ცოდვებისგან ჩვენი სულის განწმენდაში'



უნმინდესისა და უნეტარესის, სრულიად საქართველოს კათოლიკოს-პატრიარქის, მცხეთა-თბილისის მთავარეპისკოპოსის და ბიჭვინთისა და ცხუმ-აფხაზეთის მიტროპოლიტ შიო III-ის ქადაგება ყოვლადწმინდა ღვთისმშობლის პატიოსანი სამოსლის ვლაქერნაში დადების დღესასწაულზე – ვლაქერნობას

სახელითა მამისათა და ძისათა და სულისა წმინდისათა!

თქვენო აღმატებულებაჲ, ბატონო პარლამენტის თავმჯდომარე,

ყოვლადსამღვდელონო მღვდელმთავარნო,
პატიოსანნო მამანო, დედანო, ძმანო და დანო!

გილოცავთ დღევანდელ დღეს – ყოვლადწმინდა ღვთისმშობლის პატიოსანი სამოსლის ვლაქერნაში დადების დღესასწაულს – ვლაქერნობას.

მაღალყოვლადესამღვდელოესო მეუფე გერასიმე, თქვენ განსაკუთრებით გილოცავთ თქვენს მრევლთან და სამღვდელოებასთან ერთად.

დღევანდელი დღე განსაკუთრებულია ჩვენთვის, ყველასთვის. ეს უდიდესი სიწმინდე არ

არის მხოლოდ ისტორიული რელიგია ჩვენთვის, არამედ ის არის დედა ღვთისმშობლის მფარველობის, ჩვენთან მყოფობის ხილული ნიშანი. ის განსაკუთრებით მნიშვნელოვანია ჩვენთვის, ქართველებისთვის, რადგან ღვთის წყალობითა და განგებულებით, რამდენიმე საუკუნის წინ ეს დიდი სინძინდე ჩამოაბრძანეს საქართველოში და აქ, სამეგრელოში ინახება, როგორც, ვიმეორებ, სიმბოლო დედა ღვთისმშობლის მუდმივი მფარველობისა და ჩვენთან მყოფობისა. როგორც ძველად მფარველობდა და იცავდა ადამიანებს ყოველგვარი ჭირისგან, განსაცდელისგან, მწუხარებისგან, იგი დღესაც უწევს მფარველობას ყველას, ვინც რწმენით, სინანულით, ღოცვით მიეახლება მას.

დიდი წყალობაა ღვთისა, რომ ქრისტიანული ეკლესიის ორი უდიდესი სინძინდე – კვართი უფლისა ჩვენი და იესო ქრისტესი და ყოვლადწმინდა ღვთისმშობლის პატიოსანი სამოსელი – საქართველოშია დავანებული.

ჯერ კიდევ პირველ საუკუნეში ჩამოაბრძანეს ჩვენთან უფალ იესო ქრისტეს კვართი და დედა ღვთისმშობელმა ღირსჰყო ჩვენი ქვეყანა, მისი წილხვედრი გამხდარიყო. დედა ღვთისმშობლის ღოცვა-კურთხევით საქართველოშივე იქადაგა წმინდა მოციქულმა ანდრია პირველწოდებულმა, ასევე, სიმონ კანანელმა და სხვა მოციქულებმა. დედა ღვთისმშობლის კურთხევით გამოემართა წმინდა ნინო საქართველოში, იქადაგა ჭეშმარიტი სარწმუნოება და მას შემდეგ ჩვენი ქვეყანა განუხრელად, ერთგულად და შეურყვნელად იცავს ქრისტეს რწმენას.

წელს შესრულდა 1700 წელი ამ დიდებული მოვლენიდან, რაც კიდევ ერთხელ გვახსენებს, რა დიდი კავშირი აქვს ქრისტეს რწმენას ჩვენს კულტურასთან, ჩვენს ცხოვრებასთან, ჩვენს თვითმყოფადობასთან.

დღევანდელი დღესასწაული – ყოვლადწმინდა ღვთისმშობლის სამოსლის, პატიოსანი კვართის დღესასწაული – ალბათ, ძვირფასო ძმებო და დებო, გვაფიქრებს კიდევ ერთ ძალიან მნიშვნელოვან რამეზე: ჩვენს სულიერ ცხოვრებაზე, თუ შეიძლება ასე ითქვას, ჩვენს სულიერ შესამოსელზე. როდესაც მოვინათლეთ, მივიღეთ ეს წმინდა სულიერი შესამოსელი; როგორც ამბობს წმინდა პავლე მოციქული, „ქრისტეთი შევიმოსეთ“ (გალატ. 3, 27), მაგრამ, სამწუხაროდ, ცხოვრების განმავლობაში ამ სპეტაკ შესამოსელს ვაბინძურებთ ჩვენი ცოდვებით, ჩვენი ვნებებით, მცირედმორწმუნეობით, სულმოკლეობით და ა. შ.

დღევანდელი დღე მოგვინოდებს, დაგვფიქრდეთ ამაზე და მივმართოთ დედა ღვთისმშობელს ღოცვით, შეგვენიოს ჩვენი ვნებების დაძლევაში, ცოდვებისგან ჩვენი სულის განწმენდაში, ჩვენი სულიერი შესამოსლის განსპეტაკებაში.

ისე დაემთხვა, რომ დღეს წაკითხული სახარებაც ამას გვეუბნება. ფარისევლები მიდიან უფალ იესო ქრისტესთან და ეკითხებიან: „რატომ არ იცავენ შენი მოწაფეები ხუცესთა

გადმოცემას, რომ დაუბანელი ხელით ჭამენ საჭმელს?“ (მთ. 15, 1-2). უფალმა მიუგო, რომ პირიდან შემავალი კი არ შეაგინებს კაცს, არამედ პირიდან გამომავალი შეაგინებს კაცსო (მთ. 15, 11). მოციქულებმა ვერ გაიგეს ეს იგავი. პეტრე მოციქულმა სთხოვა უფალს, განემარტა მათთვის, რას ნიშნავს ეს. უფალმა უთხრა, რომ რაც პირიდან გამოდის, ის ჩვენი გულიდან გამოდის და ის შეაგინებს კაცს, რამეთუ პირიდან გამოდის, გულიდან გამოდის ანუ, ბოროტი ზრახვები, კაცის კვლა, მრუშობა, სიძვა (ჩამოთვლის უფალი), პარვა, გმობა, ანგარება, ამპარტავნება. აი, ეს შეაგინებს ადამიანსო (მთ. 15, 15-20).

ამგვარად, ამ სიტყვებით უფალი გვასწავლის, რომ უნდა შევებრძოლოთ ჩვენს ვნებებს, ჩვენს ამ არანმინდა გულის სიტყვებს, გულის ფიქრებს, რადგან ვნებების აყოლა და მათი დაკმაყოფილება ძალიან ავნებს ადამიანის სულს, განაშორებს ღმერთს, განაშორებს მადლს და ასეთ მდგომარეობაში ადამიანი ვერ აღწევს და ვერც ინარჩუნებს ვერაფერ სულიერს. ის ვერასდროს მოშორდება მინიურს და სულიერი საგნების, ზეციური საგნების ჭვრეტაში ვერასდროს ვერ შევა.

წმინდა მამებს მოჰყავთ მაგალითი, რომ ასეთი ადამიანი ვერ მიწვდება სულიერს, ისევე, როგორც დაბერებული ფრინველი ზეცაში ვეღარ აფრინდებაო.

ასე რომ, ძვირფასო ძმებო და დებო, თავისთავად სინმინდეების ფლობა, რითაც უმდიდრესია საქართველო, არ გვაცხოვნებს მექანიკურად, არამედ სინმინდეებს უნდა მივებახლოთ რწმენით, ლოცვით, სინანულით, მცნებების დაცვით. აი, მაშინ მოგვეცემა ეს მადლი, რაც არის ამ სინმინდეებში და შეგვეწევა სულის გადარჩენის საქმეში.

დღეს მინდა, დიდი მადლობა გადავუხადო მის მაღალყოვლადუსამღვდელოესობას, ზუგდიდისა და ცაიშის მიტროპოლიტ გერასიმეს, ამ ეპარქიის სამღვდელოებას ღირსეული და ერთგული მსახურებისთვის.

ძვირფასო მეუფე, გარდა იმისა, რომ ძალიან ღირსეულად უძღვებით საგარეო ურთიერთობების განყოფილებას საქართველოს საპატრიარქოში, შესანიშნავია თქვენი ღვაწლი და საქმიანობა ზუგდიდისა და ცაიშის ეპარქიაში. ამას ადასტურებს ეს დიდებული საკათედრო ტაძარი. ასევე მინდა, აღვნიშნო, ძვირფასო მეუფე, რომ თქვენი მრავალწლიანი ღვაწლის შედეგად ვლაქერნობა გახდა არა მხოლოდ საეკლესიო დღესასწაული, არამედ სრულიად საქართველოსთვის სახალხო დღესასწაული და კიდევ ერთხელ გმადლობთ ამისთვის.

მინდა, დღეს ვისარგებლო შემთხვევით, რომ ვიმყოფები ზუგდიდში, სამეგრელოს გულში და ჩემი დიდი სიყვარული და მადლიერება გამოვხატო სამეგრელოსადმი.

თქვენ იცით, რომ 23 წელი ვმსახურობდი სენაკისა და ჩხორონწყუს ეპარქიაში მღვდელმთავრად და შეიძლება ითქვას, კიდევ ვმსახურობ, რადგან ჯერჯერობით წმინდა სინოდი მაძლევს უფლებას, შევითავსო ეს შესანიშნავი ეპარქია. არ ვიცი,

როდემდე მომეცემა ამის შესაძლებლობა, მაგრამ სანამ ცოცხალი ვარ, სანამ ვმსახურობ ეკლესიაში, სამეგრელოს სიყვარული ყოველთვის ჩემთან იქნება, იმიტომ, რომ სამეგრელომ მომცა ძალიან ბევრი რამ. შეიძლება ითქვას, მომამზადა სამეგრელოში მსახურებამ, აქაურმა სიყვარულმა, დიდმა სიბოძემ, დიდმა სილამაზემ და კულტურამ ჩემი საპატრიარქო მსახურებისთვის.

შეგახსენებთ უნმინდესი და უნეტარესი ილია II-ის სიტყვებს, რომ სამეგრელოდან უნდა დაიწყოს ჩვენი ქვეყნის გამთლიანება. დარწმუნებული ვართ, რომ ამ ლოცვა-კურთხევას სამეგრელო აუცილებლად შეასრულებს.

მიიღეთ ჩემი დიდი სიყვარული, ლოცვა-კურთხევა და მადლიერება.

ღმერთმა გაგახაროთ და დაგლოცოთ!

კიდევ ერთხელ გილოცავთ ღვთისმშობლის პატიოსანი სამოსლის დღესასწაულს! ღმერთმა დაგლოცოთ და გაგაძლიეროთ, ვევედროთ დედა ღვთისმშობელს, რომ გააძლიეროს ჩვენს გულებში ქრისტეს რწმენა, მოგვცეს, დაამკვიდროს ჩვენ შორის ერთობა, ერთსულოვნება, მშვიდობა და სიყვარული.

ყოვლადწმინდა ღვთისმშობლის ლოცვით, ღმერთმა აკურთხოს, დაიფაროს, გააძლიეროს და გადაარჩინოს სრულიად საქართველო, ამინ!

დღევანდელ დღესასწაულთან დაკავშირებით ვაჭილდოებთ სასულიერო პირებს:

სენაკისა და ჩხორონწყუს ეპარქიიდან დეკანოზი იოანე კუპრეიშვილი დაჭილდოებულია მიტრის ტარების უფლებით. აქსიოს!

ბუგდიდისა და ცაიშის ეპარქიიდან დეკანოზი გალაქტიონ ფიფია დაჭილდოებულია გამშვენებული ჯვრის ტარების უფლებით. აქსიოს!

დეკანოზი ილია ლუკავა დაჭილდოებულია გამშვენებული ჯვრის ტარების უფლებით. აქსიოს!

მღვდელი დავით ქირია აღყვანილია დეკანოზის ხარისხში და დაჭილდოებულია ოქროს ჯვრის ტარების უფლებით. აქსიოს!

ძვირფასო მამებო, ძმებო და დებო, დღესასწაულთან დაკავშირებით ასევე დაგირიგდებათ ღირს ალექსის (შუმანია) ხატები.

ღმერთმა გაგახაროთ, დაგლოცოთ და გაგაძლიეროთ!

ბუგდიდის ივერიის ყოვლადწმინდა ღვთისმშობლის ხატის სახელობის საკათედრო ტაძარი

15 ივლისი, 2026 წელი

ელექტრონული ვერსია მოამზადეს ანზორ ჩიქობავამ და თამარ ასათიანმა

ფოტო: ნინო სობაშვილი

sazu.ge